



Siverth K. Heilmann

UKA 2022/110-1

Atassut

11. Oktober 2022

Uunga siunnersuut: Nerukkaatissanut akussat pillugit inatsisip Kalaallit Nunaannut Kunngip peqqussutaatigut atuutilersinneqarnissaanik Namminersorlutik Oqartussanit akuerineqarne-ra pillugu Inatsisartut aalajangiinerat

(Aalisarnermut Piniarnermullu Naalakkersuisoq)

Nerukkaatissanut akussat pillugit inatsisip Kalaallit Nunaannut Kunngip peqqussutaatigut atuutilersinneqarnissaanik Naalakkersuisut inatsisartunut aalajangiiffigisassamik saqqummiussanerannut qujanaq, imatullu Atassummiit oqaaseqarfingissavarput.

Eqqaamaneqassajunnarsivoq 1900-kut naajartorneranili 2000-mullu ikaarsaareernerup kingornagut aalisakkat pisarisuukkat puiserpassuillu amiiginnariarlugit neqerpassuinik imaanut eqqaannartarpagut. Qimuttoqarfinniittunut nerukkaatissatut aningaasarsiutinngornissaat aqqtissiuusinikka, inuusutissaleriffimmi oqartussaafiup tigusimannginnera ilaatigut patsisaatinneqarluni siunnersuutikka itigartinneqartarput.

Nunatsinniit nammineq pilersueqataarusunneq akikitsunngorlugillu tunisassiarineqarsinnaaneri aporfissat ikittanngeqaaq. Illuaniillu avataaniit qimminut il il nerukkaatissatut eqqussukkat ajorna-qutitaqanngitsumik tunisassiarineqartarneri ulloq manna tikillugu periarfissaavoq.

Politikkikkulli periarfissarsiuussinerit nalilersuinerillu uniinnarfiusanngillat, taamaattumillu Naalakkersuisut peqqussusiornissamut, aalisartortatta aalisakkat pisatik qajuusanik uulianillu nerukkaatis-satut Nunatsinni avammullu tunisassiarineqarsinnaasunik periarfissiiniartoqarpoq torrak, tamannalu soorunami Atassummiit tapersiivugut. Qulaanili oqariartutigisakka puujuinnarneqaratik neriuuti-gaara, inatsisartuni kommuune-niillu tamanut atorluaanerunissamut periarfissarsiuussisasugut.

Kommuunitsinnimi piniartortatta aalisartortattalu aningaasarsiorfigisinnasaannik suli inerisaansarput politikkikkut sulinermi pikkoriffingeqarnerusariaqarpoq. Kapisilinniarneq sukangaqisumik

killilersugaasup atuunnerata nalaani, avataaniit tikisinneqarsimasumik Maniitsumi kalaalimineerni-
arfimmi alaatsinaaffigineqarpugut, pisallu tamarluinnaasa misissugarineqarlutik.

Aalisagaannaangitsut biolog-iniik piniakkat killilersuiffigerusunneqarlutik tusartakkagut ilann-
gullugit, ukiut tamarluinnaasa marsigarineqartarneq nalinginnaaleraluttuinnarpoq. Ilami tusakatan-
nartunut ilaavoq, kapisilinniarnissamut akuerisaasimaguit pisaqarsimanngikkaluaruilluunniit nalu-
naarnissamut pisussaaffeqarneq.

Egalunmiarnerup nalaani, kapisilinnik juli qaammataaginnalersoq qujanaqisumik pisaqartoorsinnaa-
sarpugut, inuussutissarsiutigalugu saniatigooraluguluunniit kiallu qassutiginerai apeqqutaaneq
aalisagaq puisi allaluunniit napiteqqusaannginnera aquassinnaanngilarput. Inatsisiliortutut aquassin-
naanngisatsinnik aalajangersaasarnerit pinaveersaartariaqarput.

Atassummiit suli neriuutigilluinnarparput, inuussutissalerinermut oqartussaaffiup inatsisartut anger-
laassassatut siullertut kissaatigisagaat piviusunngorumaartoq.

Taamatut aalajangiiffisassatut siunnersuut ilassuteqarfigilaarlugu, suliaq aappassaaneerneqartiga-
ni ataatsimiititaliamut susassaqartumut oqaaserisagut ilanggullugit ingerlaqqaarnissaa Atassummiit
tapersiinerput nalunaarutigaarput.

Qujanaq.